

**საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
ბრძანება № 01-08/13**

ქ. ბათუმი

24 მარტი, 2017 წ

**2017-2018 სასწავლო წლის შემოდგომის სემესტრისათვის ევროკომისიის მიერ დაფინანსებული ერასმუს+ გაცვლითი პროგრამის (3 საგრანტო პროექტის) ფარგლებში ბსუ-ს საგანმანათლებლო პროგრამების სტუდენტთა შესარჩევი კონკურსის ჩატარებისა და საკონკურსო კომისიის შემადგენლობის დამტკიცების შესახებ**

„უმაღლესი განათლების შესახებ“ საქართველოს კანონის 22-ე მუხლის, „საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის წესდების დამტკიცების შესახებ“ საქართველოს განათლებისა და მეცნიერების მინისტრის 2007 წლის 14 ნოემბრის №1106 ბრძანების, სტრატეგიული განვითარებისა და საგარეო ურთიერთობათა დეპარტამენტის მოადგილის, ნანა ყურშუბაძის 2017 წლის 23 მარტის MES 8 17 00279913 და 24 მარტის MES 4 17 00281556 მოხსენებითი ბარათების საფუძველზე

**ვ ბ რ ძ ა ნ ე ბ :**

1. ევროკომისიის მიერ დაფინანსებული ერასმუს+ გაცვლითი პროგრამის (3 საგრანტო პროექტის) ფარგლებში უცხო ქვეყნის უმაღლესი საგანმანათლებლო დაწესებულებაში (ზალცბურგის უნივერსიტეტი, იენას უნივერსიტეტი, ვალენსიის პოლიტექნიკური უნივერსიტეტი) სტუდენტთა მობილობის განხორციელების მიზნით გამოცხადდეს კონკურსი 2017-2018 სასწავლო წლის შემოდგომის სემესტრისთვის ბსუ-ს საგანმანათლებლო პროგრამების სტუდენტთა შერჩევის მიზნით და განისაზღვროს საკონკურსო ვადები:

ა) საბუთების მიღება - 2017 წლის 24 მარტიდან 2017 წლის 31 მარტის ჩათვლით (18:00 საათამდე) - ბსუ-ს კანცელარიის მეშვეობით და ელექტრონულ ბმულზე (საინფორმაციო ტექნოლოგიებისა და კომუნიკაციის სამსახურის დახმარებით): <http://registration.bsu.ge/Registration-2.php>.

ბ) საბუთების შემოწმება და შეფასება 2017 წლის 03-04 აპრილი - (სტრატეგიული განვითარებისა და საგარეო ურთიერთობათა დეპარტამენტი);

გ) გამოცდა (ფორმა- ტესტირება) 2017 წლის 03 აპრილი - ინგლისურ ენაში (B1.2. დონე) საგამოცდო ცენტრში;

- დ) გასაუბრება - 2017 წლის 07 აპრილი - (შესარჩევ კომისიასთან , ბსუ-ს პირველი კორპუსი, ოთახი №35, მისამართი: ქ. ბათუმი, ნინოშვილის ქ. №35) .
2. დამტკიცდეს კონკურსის ჩატარებისა და კანდიდატთა შერჩევის თანდართული წესი (დანართი №1).
  3. დამტკიცდეს საკონკურსო კომისია შემდეგი შემადგენლობით:
    - ა) მერაბ ხალვაში - ბსუ-ს რექტორი, კომისიის თავმჯდომარე;
    - ბ) თამარ სირამე - რექტორის მოადგილე, კომისიის წევრი;
    - გ) გიორგი თავამაიშვილი - სტრატეგიული განვითარებისა და საგარეო ურთიერთობათა დეპარტამენტის უფროსი, კომისიის წევრი;
    - დ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე, კომისიის წევრი.
  4. კომისია უფლებამოსილია საკონკურსო კომისიის სხდომის ოქმის საფუძველზე დაადგინოს გასაუბრების განრიგი და მოიწვიოს სხდომაზე ხმის მიცემის უფლებით, შესაბამისი ფაკულტეტის აკადემიური ან/და ადმინისტრაციული თანამდებობის პირი, ასევე მიიღოს კონკურსის საორგანიზაციო საკითხებთან დაკავშირებული სხვა გადაწყვეტილებები, რასაც არ ითვალისწინებს წინამდებარე ბრძანება, მაგრამ გამომდინარეობს საგრანტო პროექტიდან.
  5. კომისიამ იხელმძღვანელოს საგრანტო პროექტებისა და წინამდებარე ბრძანების მოთხოვნათა შესაბამისად.
  6. ბრძანება განთავსდეს უნივერსიტეტის ოფიციალურ ვებ-გვერდსა და საინფორმაციო დაფებზე (კანცელარიასთან და ფაკულტეტებზე), რისი უზრუნველყოფა დაევალოს საინფორმაციო ტექნოლოგიების სამსახურსა და კანცელარიას.
  7. ბრძანება ძალაშია ხელმოწერისთანავე.

რექტორი, ასოცირებული პროფესორი



მ. ხალვაში

**2017-2018 სასწავლო წლის შემოდგომის სემესტრისთვის ევროკომისიის მიერ დაფინანსებული ერასმუს+ გაცვლითი პროგრამის (3 საგრანტო პროექტის) ფარგლებში ბსუ-ს საგანმანათლებლო პროგრამების სტუდენტთა შესარჩევი კონკურსის ჩატარებისა და კანდიდატთა შერჩევის წესი**

- წინამდებარე წესი არეგულირებს 2017-2018 სასწავლო წლის შემოდგომის სემესტრისთვის ევროკომისიის მიერ დაფინანსებული ერასმუს+ გაცვლითი პროგრამის (3 საგრანტო პროექტის) ფარგლებში ბსუ-ს საგანმანათლებლო პროგრამების სტუდენტთა შესარჩევი კონკურსის ჩატარებასა და კანდიდატთა შერჩევას.

- კანდიდატების შერჩევა ხორციელდება 3 ეტაპად შემდეგნაირად:

**ა) I ეტაპი: კანდიდატების მიერ დადგენილ დროში შემოტანილი საბუთების შეფასება (მაქსიმალური შეფასება - 40 ქულა)**

პირობები:	მაქსიმალური ქულა	კანდიდატის ქულა
აკადემიური მოსწრება	20 (=აკადემიური მოსწრების 100 ქულა)	
სამოტივაციო წერილი	10 (0-10)	
CV	10 (0-10)	

**ბ) II ეტაპი: ინგლისური ენის ტესტი (მაქსიმალური შეფასება - 40 ქულა):**

- გამსვლელი ქულა - 100 ქულიანი ტესტის არანაკლებ 71 ქულა (კანდიდატის მე-2 ეტაპზე შეფასებისას არანაკლებ 28 ქულა);
- კანდიდატის შეფასება გამოითვლება შემდეგი პროპორციის გათვალისწინებით: 100 ქულა =მაქსიმალურ შეფასებას (40 ქულა)

**გ) III ეტაპი- გასაუბრება (მაქსიმალური 20 ქულა)**

პირობები:	მაქსიმალური ქულა
დარგობრივი და კომუნიკაციისუნარ-ჩვევები, პრეზენტაბელურობა	15 (5-5-5)
ემოციური და ფსიქოლოგიური მზაობა	5 (0-5)

- პრიორიტეტები ენიჭება კანდიდატს, რომელსაც:

- არ უსარგებლია ევროკავშირის გაცვლითი პროგრამით;
- ბსუ-ს საგანმანათლებლო პროგრამით გათვალისწინებული საგნების მიმღები უნივერსიტეტის პროგრამასთან შესაბამისობის (თანხვედრის) წილი მეტია;

გ) აქვს სოციალურ-ეკონომიური და ჯანმრთელობის პრობლემები (დასტურდება შესაბამისი დოკუმენტაციით/ცნობით) .

4. კანდიდატის დოკუმენტაცია არ განიხილება შემდეგ შემთხვევებში:
  - ა) არასრულად არის შევსებული აპლიკაცია (არ ერთვის CV, სამოტივაციო წერილი, აკადემიური მოსწრების დამადასტურებელი ცნობა ან სხვა საჭირო დოკუმენტაცია);
  - ბ) კანდიდატს შეჩერებული აქვს ბსუ-ს სტუდენტის სტატუსი.
5. კანდიდატი მოიხსნება კონკურსიდან და არ დაიშვება მე-3 ეტაპზე (გასაუბრება), თუკი ინგლისური ენის ტესტირების შედეგად მიღებული ქულა არის 28 ქულა და ნაკლები, საერთო შეფასებიდან (40 ქულა).
6. კონკურსთან დაკავშირებული გადაწყვეტილებების (საბუთების გადარჩევის, ტესტირების, გასაუბრების განრიგის და გასაუბრების შედეგების) ბსუ-ს ვებგვერდზე გამოქვეყნებას უზრუნველყოფს ბსუ-ს სტრატეგიული განვითარებისა და საგარეო ურთიერთობათა დეპარტამენტი (შესაბამის ველებში: „კონკურსები“ და სტრატეგიული განვითარებისა და საგარეო ურთიერთობათა დეპარტამენტის, სიახლეების ველში).
7. ბსუ-ს საკონკურსო კომისიის მუშაობის შედეგები გაიგზავნება მიმღებ უნივერსიტეტებში არაუგვიანეს 2017 წლის 15 აპრილისა.
8. კონკურსის საბოლოო შედეგები გამოქვეყნდება ბსუ-ს ვებგვერდზე და სტრატეგიული განვითარებისა და საგარეო ურთიერთობათა დეპარტამენტთან არსებულ საინფორმაციო დაფაზე, ბსუ-ს საკონკურსო კომისიის საერთო შეფასებისა და მიმღები უმაღლესი საგანმანათლებლო დაწესებულების გადაწყვეტილების საფუძველზე.